

Sakspapir

Saksnr.	Utval	Møtedato
038/22	Formannskapet	07.04.2022

Sakshandsamar	Arkiv	Arkivsaksnr.
Øistein Edmund Søvik	K1-033	21/432

Open post i formannskapet 7.4.22

Rådmannen si tilråding

Handsaminga gav ikkje grunnlag for vedtak.

Formannskapet - 038/22

Ordføraren informerte om Sogn regionråd si tilråding om å ikkje senda inn høyringsutspel i saka om domstolstruktur.

Eivind Helleland (SP) la fram framlegg til høyringsuttale til domstolstruktur.

Vik kommune viser til Justis- og beredskapsdepartementet sitt høyringsbrev av 26. januar 2022 som gjeld forslag om endring i domstolstrukturen, og gir med dette uttale i saka.

Utgangspunktet til Regjeringa er «å gjeninnføre strukturen for domstolane før domstolsreforma av 2021 for å ivareta innbyggjarane sin rettstryggleik og sikre sjølvstendige domstolar med stadleg leiing, med unntak for domstolar der domstolsleiar, kommunane i rettskretsen og dei tilsette gjennom sine tillitsvalde er samde om å oppretthalde dagens struktur.»

Sogn og Fjordane jordskifterett vart ved domstolreforma etablert som 1 rettskrins med 3 rettsstadar.

Sogndal kommune er vertskommune for Sogn og Fjordane jordskifterett ved rettsstad Sogndal.

For Sogn og Fjordane innebar Stortinget sitt vedtak at domstolane i Sogndal og Eid vart nedlagde og det vart oppretta ein domstol i fylket med hovudsete i Førde. Jordskiftekontora på Nordfjordeid og Sogndal fekk status som «bemanna rettsteder», utan lokal leiing.

Jordskifteretten i Sogndal er omfatta av dagens prosess om endring av domstolsstruktur, og denne høyringsuttalen knyter seg til jordskifteretten i Sogndal. Vik kommune sluttar seg til



regjeringa sitt grunnleggande standpunkt og målsetting om at ein skal ha ein domstolsstruktur som best sikrar innbygarane god rettstryggleik og tilgjengelege tenester.

Jordskifteretten skal fungere som ein problemløysar for tvistar knytt til fast eigedom og rettar til eigedomar i Sogn, og må sikrast varig å vera ein sjølvstendig domstol med lokal leiing i Sogndal.

Vik kommune er som regjeringa også oppteken av innbygarane sin rettstryggleik, og at målsettinga skal vere «god» rettsstryggleik slik regjeringa også skriv. Det er viktig å ha ein domstolstruktur som sikrar at rettsapparatet er representert over heile landet og ikkje berre i byane .

Konklusjon:

Vik kommune tilrår at gjeldande struktur for Sogn og Fjordane jordskifterett vert endra tilbake til ordninga før domstolreforma i 2021. Vik kommune vil at Indre Sogn jordskifterett skal vera ein sjølvstendig domstol med tilhøyrande lokal domstolleiing.

Ordføraren la fram framlegg om å ikkje senda inn høyringsuttale i saka om domstolstruktur.

Helleland sitt framlegg vart sett under røysting mot ordføraren sitt framlegg.

Ordføraren sitt vart vedteke mot 2 røyster (Eivind Helleland og Siri Wølneberg Bøthun, begge SP).

FS - vedtak:

Vik kommune sender ikkje inn høyringsuttale i saka om domstolstruktur.
Mot 2 røyster (Eivind Helleland og Siri Wølneberg Bøthun, begge SP).

Kort samandrag

Open post er formannskapetets høve til å stille spørsmål og teke opp einskilt tema med ordførar og resten av formannskapet.

